

VOORBIDDING:

Geroep Gewillig Gestuur



Wêreld: Burkina Faso, Tsjaad, Mali, Mauritanië en Niger. Slagoffers van terreur en geweld regoor die wêreld. Die Midde-Oosterse onstabiliteit en oorlog, die uitkrangeffek daarvan op die res van die wêreld en die slagoffers weens aanvalle en teenaanvalle. Die beëindiging van die oorlog in Oekraïne en die slagoffers van beide Rusland en Oekraïne. Willem en Alla van der Colff en die werk wat hulle in Oekraïne doen. Ntsiuoa Tsemame en die werk wat sy in Malawi doen. Oplossings,

planne en samewerking om aardverwarming se pas te vertraag en moontlik om te keer, asook om plastiekbesoedeling te verminder. Slagoffers van natuurrampe regoor die wêreld. **RSA & Dorp:** Waardes en Norme— grondwet, regspleging, houdings en optrede. Al die uitdagings waarmee ons land sukkel in basiese onderwys sowel as verdere opleiding. Oplossings vir die hoë misdaadsyfers, veral misdade teen onskuldige kinders en kwesbares. Bende-geweld, taxigeweld en slagoffers en gevolge daarvan in gemeenskappe. Hoop vir mense in gemeenskappe wat onder erge droogte gebuk gaan. Oplossings vir ons land se energiekrisis asook water— en sanitasie uitdagings. Politieke stabiliteit in ons land en wysheid en same-werking in die regering van eenheid. Die provinsiale verkiesing in November.

Gemeente & Kerk: Lidmate wat treur, siek en verswak is en diegene onder behandeling en aan die herstel. Dankbaarheid vir God se sorg. Gehoorsaamheid aan ons missie: Geroep, Gewillig, Gestuur. 'n Geseënde 3de kwartaal vir huisgesinne. 'n Geseënde Barmhartigheidsmaand in Augustus. Reëlins wat vlot verloop en entoesiasme vir ons Lentefees in September. **Baie geluk aan die volgende lidmate wat vandag verjaar:** Heinrich Louw (Glenelly Estate) en Breda Strasheim (Elbertha).

Is jy nuut by ons? Kom gerus ná die diens na voor waar die predikant jou sal ontmoet en help met nuwe lidmate vorms en 'n "welkompakke". Kom drink ook saam tee of koffie in die vierkant en neem boeke uit by ons biblioteek in die vierkant - ons sal jou graag wil ontmoet!

BLY OP DATUM MET DIE GEMEENTENUUS PER WHATSAPP

072 462 1656

Stuur jou naam en van via Whatsapp na ons nommer hierbo en ons voeg jou by die groep!

Nuwe Jong Werkende Bediening

Daar is nuwe energie in die gemeente met die vorming van ons Jong Werkende Bediening! Kontak vir Elizna Horn by 081 778 8008 of Gerit Oosthuizen by 083 858 0008 as jy deel van hierdie bediening wil word. Kom maak saam planne en droom saam!

My Heer moet geprys word! Dag ná dag dra Hy ons, God is ons verlossing. *Psalm 68:20*

Ons is 'n groen gemeente wat herwin! In die vierkant by die houe, waar ons papier en glas herwin vir Huis Horison, is daar houe vir elektroniese en elektriese toerusting, asook vir energie-besparende gloeilampe, batterye en ou selfone.



Weekblad van Stellenbosch-Welgelegen Gemeente

WELWEEK

Christus is die Here!

Daarom wil ons mekaar in verhoudinge opbou
Om so sy groot opdrag uit te leef.



Erediens & Kategese

16 Augustus 2026

Koninkrykstyd

Jaartema:

SORG

09:30

Tema 'n Groter saak?

Skriflesing Genesis 45:1-18

Prediker Danie Goosen

Kategese-samevatting 10:30 - kinders gaan saal toe vir 'n kort samevatting

Kerksbiblioteek 10:30 - neem boeke uit by ons biblioteek in die vierkant

Koinonia Kafee 10:30 - kuier verder saam in die vierkant met tee en koffie

Diens by Bonheur 18:00 - Danie Goosen



Dienswerkers se vriendelike herinnering

Die nuutste Welgeleener en inligting vir ons Lentefees is gereed in die vakkies vir die dienswerkers om te kom afhaal en uit te deel in die wyke. Baie dankie vir julle harde werk om alles in die wyke te versprei en op te volg met skenkings wat belowe word. Ons waardeer julle!



Lesotho-uitreik:

24 September - 3 Oktober 2026

Oud en jonk is welkom om saam op die uitreik te gaan. Kontak vir Braam Horn (braam.horn@medclinic.com / 071 608 4398) as jou paspoort reg is en jy wil gaan saam werk. As jy klere en 'n sokkerbal het wat kan saamgaan vir die inwoners van Lesotho, kan jy dit kerkkantoor toe bring. Die span vra ook koekies, beskuit en vrugte om saam te neem.



Kom drink 'n koppie tee of koffie by ons Koinonia Kafee in die vierkant ná die erediens en kuier nog 'n bietjie saam! Dankie aan die skinkers!

ONS KANTOORURE is: Maandae - Vrydae van 08:00 tot 13:00

PROGRAM VIR DIE VOLGENDE WEEK: Maandag 17/08 tot Sondag 23/08

Wo 19/08	09:30 - 10:30	Geloofsgroei Byeenkoms (konsistorie): Almal is welkom! Danie Goosen is die aanbieder. Na die tyd kuier ons verder saam in die vierkant met 'n koppie koffie of tee.
Do 20/08	09:00 - 12:00 10:00	Naaldwerkbediening: Kom werk saam met die vroue van die Naaldwerkbediening aan al hul projekte. Bybelstudie by Bonheur: Danie Goosen
So 23/08	09:30 10:30 18:00	Koninkrykstyf & Bybelsondag Erediens en Kategese: Hennie Möller Koinonia Kafee: in die vierkant Tienerbyeenkoms: ontmoet Elzanne in die leeskamer

Die deuroffer vandag gaan aan Stellenbosch Voedingsaksie: Stellenbosch Voedingsaksie voorsien voedsel aan talle behoeftiges in ons gebied. Lidmate kan gevriesde sop vir Voedingsaksie na die kerk bring. Groente en droë bestanddele vir die maak van kos, asook brode kan weeksgewys of Sondae na die kerk gebring word. Kontak Liesel Koen van Voedingsaksie by 021 886 8986 / 066 007 0045.



Die deuroffer verlede week aan die Stellenbosch-Welgelegen Noodfonds was R1 635.

Baie dankie!

Volgende week se deuroffer gaan aan die Bybelverspreidingsfonds (in aansluiting by Bybelsondag).

Betaal met SNAPSCAN

(onthou om 'n verwysing in te tik.)



Augustus = Barmhartigheidsmaand Ons Barmhartigheidstema fokus op mense met voedsel nood.

Die deuroffers gaan gedurende Augustus aan ACVV, Stellenbosch-Welgelegen Noodfonds, Stellenbosch Voedingsaksie, die Bybelverspreidingsfonds en die Bediening aan Dowes en NID.



Word deel van ons gemeenteprojek tydens Barmhartigheidsmaand om die groot voedsel nood in die Stellenbosch gemeenskap te help verlig. Met ons 31 dae van gee-projek gaan ons probeer om al 9 houe vir die 9 organisasies te laat oorloop met nie-bederfbare voedsel. Die kratte en houe vir elke organisasie word elke week 'n bietjie voller - dankie vir elkeen wat al 'n bydrae gebring het!

Nagskuiling-koepons (R10) is by die kerkkantoor te koop en kan gegee word aan persone op straat wat dan by Nagskuiling kan oornag, 2 etes ontvang en kan stort.

Bankbesonderhede
Stellenbosch-Welgelegen NG Kerk (Nedbank)
Takno: 149821/198765 Rekno: 149 8046 320

NG Gemeente Stellenbosch-Welgelegen
Telefoon: 021 886 5975
E-pos: skriba@stelwel.co.za



Augustus = Barmhartigheidsmaand

Word deel van ons groot Barmhartigheidsmaand-projek en help só om die groot voedsel nood in ons omgewing te verlig.

Neem 'n inkopielys op die B-Aksie tafel vir idees wat jy alles kan koop om te bring, óf... maak **sopbottels** vol!!

Kom haal 8 skoon koffiebottels, die resepte & metode om hierdie 8 bottels te vul en ook 8 papiertjies met kookinstruksies wat jy na die tyd aan die bottel kan vasmaak. Koop net die bestanddele (1 kg rys, 2 pakkies lensies, 2 pakkies sopmengsel, 8 stock-blokkies, 8 pakkies soppeier en 2 pakkies macaroni) en volg die maklike metode om die bottels te vul.

Een so 'n bottel is genoeg vir 6 mense! Dus kan jy met 8 bottels, waarvan die bestanddele jou min of meer R200 uit die sak sal jaag, 48 etes skenk!



Etekaartjies vir ons Lentefees

Jy kan van vlg week af etekaartjies teen R120 per persoon by die kerkkantoor kom koop. Jou keuse is potjiekos en rys, braaivleis (2 lamstjoppies, wors en 2 slaai) of lamsvleis op die spit (met drie bykosse). Kom koop betyds om teleurstelling te voorkom!

Teken in op ons E-Nuusbrief: Gaan na stelwel.co.za, klik op "kontak ons" en kies "teken aan op ons E-nuusbrief". Volg die maklike stappe en siedaar, jy ontvang Vrydae 'n vriendelike hallo-sê van die kerkkantoor met al die nuus.

Lentefees 2026: omkring Saterdag 12 September!

Ons begin nou al die slapies af te tel na Saterdag 12 September vir ons groot Lentefees! Jy kan uitsien na al die ou gunsteling: ons begin met 'n Lenteloop om 08:30, verkope open rondom 09:30 en ons eindig met potjies, braaivleis én spitbraai rondom 13:00. Hou ons kommunikasie dop vir wanneer jy ete-kaartjies (vir potjiekos, braaivleis en spitbraai) kan koop.

Die dienswerkers sal binnekort jou nuwe Welgelegener en Lentefeesinligting kom afgee. Intussen kan jy solank só betrokke raak en jou deel doen:

- * Sorteër kaste en laaie en bring skoon, heel en bruikbare huisware vir die **Wit Olifant Tafel**.
- * Toets solank jou gunsteling potjiekosresepte en kom maak 'n lekker **pot vir 12 mense**.
- * Kyk uit vir oulike **Tombola-geskenkies** (selfs tweedehandse speelgoed, legkaarte en kinderboeke wat nog nuut lyk) wat kinderharte sal bly maak.
- * As jy daarvan hou om handwerk in alle vorme te doen en bereid is om van jou handwerk-items vir die **Handwerktafel** te skenk, sal ons baie dankbaar wees.
- * **Meel, suiker, kondensmelk en olie** as skenkings vir die pannekoektafel en gebaktafel is welkom.
- * **Nooi** solank vriende, bure en familie om die dag saam te kom spandeer.

